

**PEMBERITAHUAN PERTANYAAN LISAN  
DEWAN RAKYAT MESYUARAT PERTAMA, PENGGAL KEEMPAT  
PARLIMEN KELIMA BELAS**

---

**PERTANYAAN : LISAN**

**TARIKH : 17 Februari 2025**

**SOALAN**

Puan Hajah Salmiah binti Mohd Nor [ Temerloh ] minta MENTERI PEMBANGUNAN WANITA, KELUARGA DAN MASYARAKAT menyatakan: a) jumlah kematian dan kes dera kanak-kanak di TASKA pada tahun 2020 sehingga 2024; dan b) tindakan Kementerian memastikan keselamatan kanak-kanak di TASKA terjamin

## **JAWAPAN**

Tuan Yang di-Pertua, 1. Kementerian Pembangunan Wanita, Keluarga dan Masyarakat (KPWKM) melalui Jabatan Kebajikan Masyarakat Malaysia (JKM) diberi tanggungjawab untuk pendaftaran, pengawalan dan pemeriksaan taman asuhan kanak-kanak (TASKA) sebagaimana peruntukan Akta Taman Asuhan Kanak-Kanak 1984 [Akta 308] dan Peraturan-Peraturan Taman Asuhan Kanak-Kanak 2012. Sehubungan itu, KPWKM sentiasa mengambil inisiatif berterusan dalam usaha mengurangkan risiko berlakunya kes melibatkan kecuiaan, pengabaian dan penderaan kanak-kanak di Taman Asuhan Kanak-Kanak (TASKA).

2. Berdasarkan rekod tindakan penguatkuasaan JKJ, sebanyak lapan (8) kes kematian kanak-kanak berlaku di Taman Asuhan Kanak-Kanak (TASKA) dari tahun 2020 hingga 2024, termasuk kerana pengabaian dan kecuiaan. Pecahan kes mengikut tahun adalah satu (1) kes masing-masing pada tahun 2020, 2021, 2022 dan 2023 serta empat (4) kes pada tahun 2024.

3. Bagi statistik kes penderaan kanak-kanak di TASKA pula, sebanyak 34 kes penderaan yang telah direkodkan dari tahun 2020 hingga 2024. Pecahan kes mengikut tahun adalah dua (2) kes pada tahun 2020, tujuh (7) kes pada tahun 2021, lima (5) kes pada tahun 2022, 14 kes pada tahun 2023 dan enam (6) kes pada tahun 2024.

4. KPWKM dan JKJ telah melaksanakan pelbagai inisiatif sebagai usaha untuk memastikan keselamatan kanak-kanak di TASKA terjamin. Antaranya termasuklah: (i) Mengeluarkan Garis Panduan Keselamatan Kanak-Kanak Di Taman Asuhan Kanak-Kanak Berdaftar yang berkuatkuasa mulai 1 Januari 2024. Garis Panduan ini memberi lebih penekanan terhadap aspek keselamatan kanak-kanak di TASKA seperti memperincikan keperluan pemasangan CCTV di TASKA. (ii) Mengarahkan Pegawai Diberi Kuasa untuk menjalankan pemeriksaan berkala dan mengejut ke TASKA dengan lebih kerap bagi memastikan semua standard minimum yang ditetapkan oleh Akta dan Peraturan dipatuhi; (iii) Mengaktifkan peranan komuniti seperti Pasukan Pelindungan Kanak-Kanak (PPKK), Pasukan Kebajikan Kanak-Kanak (PKKK) dalam membantu JKJ melaksanakan pelbagai program pencegahan, perlindungan, perkembangan dan penyertaan kanak-kanak di peringkat masyarakat setempat melaporkan kejadian-kejadian yang disyaki melanggar Akta dan peraturan-peraturan yang ditetapkan; (iv) Melancarkan Program Advokasi Perlindungan Kanak-Kanak: KASIH Kanak-Kanak bermula tahun 2024. Di antara pengisian program ini ialah sesi ceramah interaktif mengenai hak kanak-kanak oleh Jabatan Kebajikan Masyarakat (JKJ), keselamatan kanak-kanak oleh PDRM, ceramah interaktif buli siber oleh Suruhanjaya Komunikasi dan Multimedia (SKMM) dan ceramah interaktif antigangguan seksual oleh Jabatan Pembangunan Wanita (JPW). Sehingga 31 Disember 2024, sebanyak 337 buah sekolah terpilih di seluruh negara telah terlibat dalam Program ini melibatkan 128,148 peserta; dan (v) Menyediakan perkhidmatan Talian Kasih 15999 yang membolehkan sebarang aduan penderaan dilaporkan pada bila-bila masa.

5. Bermula 10 April 2023, JKJ telah menguatkuasakan Garis Panduan Khas Tindakan Penguatkuasaan Lak Dan Perintah Penutupan Ke Atas Taman Asuhan Kanak-Kanak Serta Pusat Jagaan Yang Dalam Siasatan Polis. Garis Panduan Khas ini adalah untuk memastikan tindakan segera dan tegas terutamanya bagi kes penderaan, pengabaian atau mendatangkan bahaya kepada kanak-kanak atau penghuni di premis tersebut. Usaha ini bagi memastikan tindakan yang diambil lebih efektif dan proaktif dalam melindungi kumpulan sasar Kementerian terutamanya kanak-kanak.

6. Selain itu, bermula 10 Januari 2025, semua TASKA berdaftar diwajibkan mempamerkan plak pendaftaran bagi memudahkan urusan ibu bapa memilih pusat asuhan, seterusnya boleh membantu usaha KPWKM menangani isu penderaan dan pengabaian kanak-kanak yang kebiasaannya berlaku di TASKA tidak berdaftar kerana beroperasi tanpa mengikut SOP yang ditetapkan. Plak ini mempunyai QR Code yang boleh diimbas untuk mendapatkan maklumat terperinci mengenai pendaftaran TASKA tersebut dengan JKJ.

7. KPWKM memerlukan semua pihak memainkan peranan dalam sama-sama memastikan keselamatan kanak-kanak di TASKA terjamin. Oleh itu, diharapkan masyarakat akan lebih prihatin dan cakna dengan apa yang berlaku di kalangan sekeliling di komuniti kita serta berganding bahu agar kita dapat membendung kes pengabaian, penganiayaan dan penderaan terhadap kanak-kanak. Sekian, terima kasih.

